



矢音集卷九

錢唐梁詩正薌林

聖主重事南巡頌

謹序

歲在旃蒙大淵獻準夷効順西戎  
即叙



皇帝軫念東南黎庶仰瞻

雲日將復修巡方之典江臯浙汜偶書無年上  
關

聖慮煦嫗覆育民困立蘇凱澤旁流和氣四塞明  
年歲果大收困瘡鱗積耕夫莨豎謳吟歡抃  
喁喁望



幸環封疆大吏而籲請傾屢溢陌莫可禦遏  
皇上怒然重躋其意誼辰戒塗展采錯事恭奉

慈寧臨幸江浙補助應時溫清無關登岱而白雲起

於封中觀河而榮光浮于水上一茅三脊致

自江淮萬國玉帛會于會稽減營衛却供億

捐租賜爵洗癥滌垢凡諸陳詩納賈之制行

慶施惠之文罔不兼舉

聖祖仁皇帝所先後舉行者遵循無忒視昔有加猗

歟皇哉斯固三古以還生民所未有之盛軌

也載筆之臣宜有龐鴻博麗之辭參伍經誥

卓然揚

聖德於千載以上而制繁體大或才詘而不能達

其辭或識闇而不能提其要逡巡辭讓噤不

敢吐臣身依

日月最親且久管蠡之見竊嘗窺

高深於萬分之一援證往昔比量時勢矢卷阿之

音儼於雅頌臣之職也臣聞王者敬天立極

大一統以建中撫萬方而求莫非徒高端拱

之名崇清淨之化而已閭閻有幽隱非時邁

無以周知風俗有淳澆非省方無以設教肇

自軒皇爰周郅隆昭垂至今百王莫易然而  
 地有廣狹德有厚薄平成甫奏則一歲可以  
 四巡要荒未賓則十二年乃一巡狩漢禮灑  
 嶽事近神仙唐告嵩高志期封禪創顯雖崇  
 規模未廣紀鴻烈者莫得而云也我

皇上體聖神文武之姿致豫大豐亨之治咸五登  
 三孕虞育夏醲化周泱澤及無外東自日出  
 西暨日入含生負性之倫衣皮飲血之族延  
 頸

至人睢盱眇眇梯山航海而至願奉正朔齎冠帶

者鞮屨不能通其樂象胥不能譯其語充溢  
 藁街罔不臣僕蠢爾準夷介居戎服野性難  
 馴鴟音未革

聖祖仁皇帝六師三駕而不忍滅其種

世宗憲皇帝兩路出兵而未嘗掃其穴洪業未竟用

貽我

皇上無疆之福

天錫智勇丕承

前光運九天九地之神謀收千載一時之偉績籍其

蕃落隸我版圖師不踰時兵不再舉刊陰山



身音集 卷九 三  
以樹碑渡伊犁而飲馬漢唐保塞張皇用師  
力蹙而中止今且折鞭箠而驅之此豈侈撻  
伐誇富彊哉

聖王馭夷畧不世出叛則討服則舍安邊柔遠而  
異域歸忠

德盛化神而四裔慕義威行萬里功高百王操之  
有原本致之有積漸也世儒拘牽文義墨守  
往籍或持勞師艱遠之戒心或執羈縻勿絕  
之迂說機宜坐失虧損王度甚無取焉且夫  
王者六合以為家天地以為量中與外無異

土也修與攘非兩事也西北之守禦或踈則  
東南之財產必蹙三江兩浙之地縱橫計之  
袤廣幾踰萬里時和歲豐物衆地大未嘗出  
一甲輸一粟以佐

聖天子出師之用飽食安卧熙熙皞皞忘  
帝力於何有不知

九重宵旰日取茅簷蔀屋之家室潛移密運厝之  
於衽席之安而躋之以春臺之樂匪一朝夕  
故矣豈待今日之

清問而後見

聖主惠養黎元之至意哉懿夫一遊一豫以為民也  
也因天事地善則歸親而王者不尸其功欽  
惟

皇太后昭明富媪

母育羣生以天下養而孝道昭為天下先而孝治大  
我

皇上體

聖母慈覆天下之心其於億兆臣民百姓若嬰兒赤  
子常在懷抱前年河決徐邳塞茨淮浦而民  
慶安瀾舊年南土蝻生漕粟湖湘而民無捐

瘠

湛恩汪濊旁魄遐暢民雖蚩蚩報塞奚自南山之  
頌君子也曰萬壽無期七月之躋公堂也曰  
萬壽無疆呼嵩祝歲聲滿天下民所以貢  
芹曝之忱荅

高厚之澤者以此若臣生逢

盛世質本庸愚鼎餼徒慚烏哺之私獲遂江湖雖  
遠

魏闕之心長懸前荷風雲侍從扈

蹕南來今蒙



日月照臨迎

鑾北上數臣遭際揣臣本分誠宜率先江浙士庶  
如古土訓誦訓之官夾王車詔觀事以播  
皇風而揚

聖教固不得以辭義弁陋為解也謹拜手稽首而  
獻頌曰

伊邃古初以君牧民六龍蜿嬋一歲四巡後  
王德薄畫圻自封法宮深居而忘歲功

聖人首出八荒在闡勤恤幽隱志通欲達德洽無  
外教訖遠裔曰尊曰親孚乎血氣混一車書

分明尉候方嶽畢朝肆覲羣后玉關以西有  
戎不賓歸罪司敗隸為藩臣

皇輿式廓包絡九有

帝念民依將南巡狩祇謁

闕里在泮獻囚登封告成迓承

天庥南土阻飢

帝為肝食方舟漕粟立起涸瘠駢駢撤解以待歲  
豐

天心嘉應協氣四充民曰噫嘻

帝實活我我倉我庾庭碩繁夥跂踵延望

先音集 卷九  
翠華復來環顛上請

帝曰俞哉五載一巡古惟帝世六年一狩亦采王  
制惟五與六經傳所紀與時變通美符前軌  
恭奉

聖慈

鑿輅再駕

省方設教孝先天下赤烏見日黃龍夾輶萬靈警  
蹕三辰綴旒周覽土俗載攷吏績豈曰遊豫  
關民休戚禁旅且萬留屯河北供億屏却慮  
耗民力吁嗟河伯其魚我民蹙艾湛玉大惠

兆人高堰既築洪澤不灌洪惟

皇祖卓有成算我

皇繼序相度原隰一再

指授河塽寧輯秋風瓠子陋彼漢歌萬里鏡澈桃  
花不波於

皇時邁昊天其子基命勅幾治臻上理扇以祥風  
澍以甘雨所過

賜復

問民疾苦錄瑕復玷肆赦青災觀文考藝興賢育  
才遂長幼孤綏養老壽翳我浙民被



先音集 卷九  
德尤厚維海有疊維江有沱比量江海  
帝澤孔多

天章巍煌山水增秀豈惟山水寵及花柳王民皞  
皞抃舞載道重瞻

日角影動翠葆猶憶辛年人樂嫗煦願  
皇歲臨福我浙滸臣受

殊恩逾越秩班錫類

賜養敢謂遂閒循陔日短戀

關心長思惟報

國獨有文章敷陳六合描繪日月有志未逮彌

憂才竭儲精覃思敬效揚厲作

皇一經示億萬世

恭和

賜詩元韻有序

歲壬申冬蒙

恩以臣父衰老許臣回籍侍養叩辭

丹陛六載於茲矣今春恭遇

聖主再舉南巡盛典即買棹星馳迎

輅河壩冀得重覲

天顏一伸葵向乃仰邀

殊眷下逮舊臣既拜給俸之

恩旋荷

賜詩之寵並

命廻鑾之日扈從金陵臣自惟何幸獲叨榮遇若

斯謹依

御製元韻勉撰八章敬呈

乙覽用志感激微忱于萬一云

陳情六載謝銓曹官向菰蘆賦以遨返哺烏

私憐日永回頭

鳳闕睇雲高感鑄

聖主恩施渥慙遜羣公意氣豪謂內廷諸臣山水西湖

縱佳絕任他遊冶竟陶陶

莫教行樂示兒曹消暇春隄一再遨乍見冶

花承露媚轉愁弱柳怯秋高三年望幸朝

天切千里迎

鑾鼓棹豪所在康衢傳擊壤依然風景似軒陶

時邁江鄉扈列曹

省方豈為事遊遨人沾雨露春三泱天入東南尺

五高慶洽即看羣辟集

詩成那羨百篇豪如臣也獲叨



榮賜維誦翻添思鬱陶

日賜詩有成汝孝名娛愛句讀之不覺感極涕零

天邊

恩賚遍官曹挾纊人偕化宇遨中使忽頒

宸藻到五雲遙護墨花高身閒匪為林泉樂親老

寧耽文酒豪長願桑榆酬晚景所生無忝荷

埏陶

多年忝竊備卿曹

帝許循陔侍杖遨豈意

詔宣頒糈厚真教榮比授餐高白華潔養無虞缺

素食增羞敢自豪仰識

聖朝存舊意啣

恩飽勝飲醇陶

迎蹕猶然扈蹕曹金陵佳麗

許隨遨大江迴抱千重險傑構平臨百尺高

志載金陵

百尺樓南地易六朝餘戰壘都營勝國緬人

豪一番攬勝兼懷古恰助吾

君逸興陶

里門零落失朋曹誰與尋春作伴遨小草有

心迎旭吐大椿無恙閱年高半生倬直誠難

忘一室清吟亦足豪自分孤根欣有託生成

揔是仗

洪陶

賡韻螭頭等鄒曹昔年曾侍上林遨自違

丹禁江才減側想青霄郢曲高迴翰風欽

天筆健磨礪早盡少年豪紀

恩竊效寒蛩響敢詡能詩自寫陶

恭和

御製恭奉

皇太后南巡啟蹕京師疊辛未舊作韻

省方于邁肯辭辛五載虞書恰比倫南服舊

看

仙蹕駐東皇又護

玉鑿巡邀

天一顧情真切惟

帝曰俞命有申練吉帳移三輔地乘時

恩愜五衢民怡

顏再奉安輿度郵隱還容累牘陳淡宕柳風初協律

龍蔥花氣欲酣春此行到處山川熟攷績而

今將吏新仰識

皇心多悅豫行廬幾暇賦詩頻



恭和

御製駐蹕良鄉行宮作元韻

熙然民物小華胥

翠葆行春一憩諸早醮  
恰逢梅坼早初程剛值  
雪晴初千秋固節川原古  
此日神郊膏澤餘  
夏后胼胝應有以

至尊勞動少寧居

恭和

御製漢昭烈廟元韻

未造三分緒纂堯成都正朔尚光昭  
永安宮

裏思王胄范水濱頭聽俚謠  
雄雉飛飛天是漢伏龍起起  
昂生蕭只今指點樓桑里遺廟  
杉松帶郭遙

恭和

御製涿鹿行疊舊韻

搖鞭直指獨鹿城白洧淦淦如導行  
重關天設左輔壯旄旗列隊增鮮明  
吾

皇德澤歌既飽但覺人情隨處好  
眼前督亢美川原一洗風漓兼俗巧  
當年此地擒蚩尤徵師掃滅烽煙稠

先音集 卷九 三  
天心默默眷西海  
宥容餘孽終延留  
螳臂詎足膏  
斧鉞犁庭佇見膚  
功收救寧方夏  
恩最溥  
帳殿猶勤邊備修

恭和

御製趙北口行宮三首元韻

燕南風日好澹沲  
遠峰青隄偃金絲  
茁橋迴  
玉仗停居人半漁  
子生計熟農經問俗

淵衷切謳謠不厭聽

臨渚雕甍出紅欄  
試一憑時和饒景物  
律暖  
變嚴凝草木

恩都遍

憂勤德不矜  
深宵看供御  
只賞庶人燈

太平多盛事  
輦路協風俱已占  
江南意如披

春市圖鷗馴  
伍貼水魚樂  
靜依蒲到處經

清問民無瘡痍虞

恭和

御製上元趙北口行宮侍

皇太后觀燈火即席得句元韻

澄清玉宇晚烟收

行幄燈宵樂事稠  
點點春星迷遠浦  
娟娟冰月



散華樓似遊佛國千輪湧要博

慈顏一笑留好唱昇平慶雲曲渾忘夜漏送蓮籌

恭和

御製上元燈詞八首元韻

烟樹參差致足佳九枝百葉好安排周巡此  
夕民同樂夾道歡聲處處皆

四時玉燭調來久

德徧羣黎歌舞之燈火偶然酬節物長安丁緩巧  
能為

玉枝銅倚明朱楯鳳腦駝頭燦畫輪最好萬

窻花眼密風軒水榭一時新

燄燄紅榮萬象供茵筵時度吉祥風常生恒  
滿燈前祝願祝

慈寧壽佛同

通明殿閣疑交曙縹緲樓臺映徹宵霓羽恍  
聞來貝闕神僊徒費幻虹橋

蟬舍漁庄傍水田試燈剛趁望舒圓陸離寶  
帳鮮雲護願奉

宸遊億萬年

趨陪憶昔掖垣西廣樂時聞唱狄鞮嘉節賡

颺千載會五雲僊珮盛招携

乞養歸來幾歲華咸淳舊事散如霞

咸淳臨安志載

南宋行都燈火甚盛中外皆設山棚凡五夜始罷

而今重讀燕南句

燈火湖橋羨

帝家

恭和

御製瀛州南樓再和沈佺期韻

言經舊城譙爰兀撐遐霄詩人昔遷謫過客

增淒寥蒼烟羃修林野禽翻迴颺長虹忽在

望宛轉通津橋吾

皇一眺聽振觸興緒遙茫茫已千載陳跡搜氛囂

衣冠此最古還採龐俗謠

恭和

御製紅杏園再疊前韻

獻邸有遺園暖風迎

步輦想當杏花天媽紅媚林館往事足留連儒

雅歸華顯花開花落間散帙席為展無窮汲

古心求書詔屢遣只今緬芳規而

帝亦曰善

恭和



御製過景州元韻

細柳營前路春風柳尚柔  
千年消故壘百堞  
壯方州酒熟柴村尾  
人耕麥隴頭觀民風教  
懋告雪歲功酬一鳥空壕  
落孤雲曉塔留廣  
川文采盛容與好携儔

恭和

御製劉智社元韻

平原劉子房以恬而養智  
歷官至奉常時稱  
儒術吏想當負薪年苦辛  
亦備至對影結牛  
衣誰識命世器獨賞管公  
明難兄更難弟天

下以為懷一一勞措置至今  
高唐人猶說穎

川治

恭和

御製德州行宮示小東大小吏元韻

將陵城畔野人居此日迎

鑾慰跂予東土衣冠趨陛近  
春郊烟靄入窻虛  
眼前婦子覘寧止靜裏艱難  
厯怒如供頓屢

經煩

飭諭漢文純儉足方諸

恭和

御製徒駭河元韻

靈源涌溢析九河九河最北曰徒駭鬲津相距二百里合流分注誰為解漢書之注爾雅疏舊蹟黎陽今尚在延年計議出胡中賈讓奏言放北海吾

皇墊溺以為憂目想哀鴻勢瀕殆

六龍今見河上來剛值春風漲凌解蘓枯專責行水臣修防勞績應茂乃

恭和

御製雪三首元韻

拂曙出羶車烟郊寒倍加陰雲興決漭風雪舞迴斜泉白驚銀磧灘明漲玉沙最關宸慮處麥隴未舒芽

亘野多揮霍連空極渺漫素華凝別館春冷逼中單遠稱松棲鶴高疑漢舞鸞范寬留粉本不厭盡情看

溫液沛無際窮簷被已多雨花天作瑞雲葉氣生和一夜添新水連滕長舊科

至人勤郵意遊目快如何

恭和



御製再依

皇祖南巡過濟南韻

歷下亭前水抱城好風披凍縠紋生纜携雨  
埒金鷗瘦漸展烟塍綠毯平甘露園名樓臺春  
盎盎錦雲川名花草繡盈盈數邀吟賞  
天襟暢暝色猶看短策橫

恭和

御製駐蹕方山元韻

玉水縈環山玉符方山即玉符山山前有層  
玉水縈環見水經注  
樓複閣足嘉娛

御香晴散烟霞窟

天語新題神奧區自昔沙門長占者而今霄漢在  
茲乎試看支錫泉邊路已入

君王步輦圖

恭和

御製靈巖寺元韻

甍稠雲木招提古老壁千尋壓抱靈亭名入望  
好山青蜿蜒支雲妙塔屹岌亭鐘聲徐度梵  
初放松影倒涵泉既渟造物有心迎  
綵仗早教殊勝賦羣形

恭和

御製靈巖西入石路用唐劉長卿韻

功德禪林路緣莎復被苔決翫飛鳥疾照影

卧虹迴輦道當空出雲陰滿地來潺湲千澗

響雜沓萬峰開黛笠千年意霜根數尺栽蚤

知

宸賞處沆瀣喜傳杯

恭和

御製過泰山再依

皇祖詩韻

果然黛色垂齊魯天地崢嶸試舉頭千磴蟻

盤雲影接大瀛蜃闕曉光浮直呼嵩霍為諸

弟早揖羲和壯一州料得岱神添忭舞十年

幾荷

睿篇留

山靈默導紆

宸轡不藉天橋到上頭石表字疑終矯誕臺端雲

起尚飄浮春官號今天宗伯木德方輿

帝上州頓豁神眸周六宇玉鞭遙指一遲留

恭和



御製過蒙山元韻

禹貢紀蒙羽蒙乃居治東古者錫土地用以  
旌茂庸風姓始典祀承詔青泥封迨迨幾千  
歲草樹空龍葱昔聞種放隱新築半畝宮又  
聞古孝子畊養樂融融種放有東蒙新居詩見本傳蒙山為老萊子所耕處見十道山川考一峰最孤秀巋然倚天中乍荷  
宸藻題榮分泰岱同

恭和

御製二月朔日入江南境六韻元韻

江鄉烟景暖初入惠風徐葦綠方侵岬花紅

儼導輿要臻堯舜治安用管蕭書美政

曰觀汝

冲懷厯倣予慮災當盱甚拜

詔及宵餘日月

皇言揭當官尚凜諸

恭和

御製再依

皇祖示江南大小吏韻

聖祖昔南幸聲教肅巡擷垂

訓何精詳萬物符甲剖元氣培兩間於今歷紀久我

皇善繩武東南仰矯首為民慎求牧召父兼杜母  
秀導譚詩書野驅力隴畝百慮方謀初萬全  
乃善後救災如救焚良箴敬佩守守維  
皇勗官司一體聯僚友下恤民瘼艱上資

國脈壽勞勞

宵旰心羣工幸毋負

恭和

御製度永濟橋作歌元韻

飛橋千尺亘延迤影寒壓破長河水初疑天  
漢星文高旋訝武夷虹勢起下臨不測紆駭

矚旁達無垠曠盈視順事安排誠守臣利澤  
久敷寰極裏

駕臨剛值仲春吉新漲桃花瀾瀾爾回思昨歲  
迅浮湍憑險作固亦易毀神龜作砥蛟螭潛  
依舊

宸衷勞治理從今南北資永濟石梁鐵鑠萬年恃  
聖代原無墊溺憂弗使噬臍良有以

恭和

御製復降旨加賑江南被災州縣詩示總督尹繼  
善及地方大小諸吏元韻



宸慮切痼瘵

溫詔屢下暨四方親民官大都勤考第所嗟江南  
災暴流輒衝擊叶安得盡窮民為立錐頭地  
轉粟愍餘敝一再善頓置誰歟體

天心勗哉司牧輩求治在休和立法去文致更推  
養給

恩奔走金吾騎江國亦何幸又見

六飛至偶際否之階逢泰荷

眷逮

聖澤浩無窮共拜更生賜即今誦

宸篇惠懷形五字拯卹有同心知爾守邦吏

恭和

御製草色元韻

陳根初見綠痕添一道裊腰上錦幃影亂無  
行和月細烟搖不散任風尖畫橋遠去連漁  
市村墅周遭映酒帘到處軟茵供小坐

天情遐寄試吟恬

恭和

御製柳三首元韻

漠漠濛濛古堠邊綻黃搖綠總含烟靈和標

格依然好又駐

君王輓玉鞭

柔絲旖旎覆江程滿吸

天邊沆瀣精最喜芳心未成絮入時眉樣向人橫  
吳苑隋隄路已蕪江山佳麗此僊都啼鶯便  
學歌喉轉恰稱春風舞態殊

恭和

御製閱中河元韻

渾渾派流長回瀾夕照黃宣防懷

祖德鞏固荷

天慶萬舶洪商貨千艫漕府糧年年經此水形勢足

稱張

恭和

御製渡黃河元韻

榮光上燭斗牛昭津鼓聲中一扣橈七埭擁  
流仍昔日萬渦平狀更今朝天風瞬息鯨氛  
靜仙客長空槎影招襟帶方輿形勢壯功新  
疏鑿善承

堯

恭和



御製惠濟寺元韻

崇祠古木鬱嵯峩  
眼底分明慶液河  
瞻就但聞迎

輦曲禮裡為譜降神歌  
雲光水色輕帆遠  
曉日晴烟芳草多  
惠澤人人欣利濟  
長憑靈貺一嗑呵

恭和

御製清江浦元韻

烏紗河邊河水清  
居民習慣聞鼉更  
連檣上下古驛古  
轉車來去亨途亨  
一道靈源界坤

軸三春遠漲移

王程鉢池山翠忽到眼  
斜陽笑指蒲帆輕

恭和

御製過淮安城元韻

飛沫揚鈴駿駉驤  
楚州形勢足爭彊  
數峰黛影僊丹竈  
一帶清流古射陽  
土行每懷河伯庇  
俗熙尚幸漢機忘  
南昌亭畔烟塍接  
好為農人祝有慶

恭和

御製閱淮安石隄詩以紀事元韻

祖績肇平成排澗滙諸海順時庀工徒版築功億倍  
符瑞事不言玉馬議爭改我

皇鏡

前徽遐想積綿載太歲紀重光河上

禹乘橈舊制一變通都水專任委踰時石防成滉

柱衛亦每

錢氏治江築石隄衛以大木謂之滉柱見水利通攷

障澤展

良圖並垂萬世楷想當黃灌時郡野朽株殆  
長算運無窮外徭悉從罷坤德感靈長民生  
歌壽愷堯水縱偶逢人情鎮不駭

恭和

御製車邏壩元韻

奠川仰

宸謀修利

恩涵海潮厥堰埭成日月幾遷改一自黃奪淮閭

閭或瀕殆秋來遇霑霖湍蓄憂逾倍我

皇哀窮黎鍾洩功常在不惜營造艱征賦盡斥罷

利害斟酌之何至遲有悔緣河見諸州民樂

已衍愷乃猶勤繕修而飭守者懈執畚厚錢

傭長茲免橫潰餘田大可耕月任逢三亥

吳諺

正月逢三亥湖田變成海

天晷既仰澄協風亦傍駭羨溢



先音集 卷九  
俾無憂造物孰主宰試看漲春波安流自浼  
浼雍氏掌禁嚴

九重亟相待疏導果以時茂績應嘉乃

恭和

御製疊舊作韻賜沈德潛元韻

容臺

新命拜芳春迎

輅猶然魚水親恰值賡颺全盛世好為黼藻太  
平人當官久用遺經試造膝還將古義陳  
眷舊恩敷鴛鴦列羨他靈壽古松筠

恭和

御製雨中遊平山堂元韻

宛轉平岡西向路古堂遺構足佳遊此邦利  
澤應推范太守風流合讓歐簷外雲生松澗  
暗檻前雨散土花浮春隄楊柳知多少

一攬情偏恣討搜

恭和

御製塔灣行宮再依

皇祖詩韻

一逕暄風引

先音集 卷九  
翠華檣竿隱隱列如麻依然棟宇凌神塔不改  
江天屬

帝家影炫浴波三島日香飄羅砌半春花行程屢  
飭除供頓無逸為懷更去奢

恭和

御製高旻寺元韻

茱萸灣口寺層宇接蒼旻石潤涵雲氣沙廻  
擁籀文粥魚持佛佛水月證聞聞緩  
蹕諸天界梅檀逆鼻芬

恭和

御製自瓜州放舟至金山元韻

千里南程蒞水邦煙波無際挂輕篋遠山青  
繞南徐路少海瀾廻瓜步江別有樓臺開隱  
隱儘多簫鼓響縱縱江洲遙指堪圖畫柳岸  
人家綠鎖窗

恭和

御製登金山塔頂疊舊作韻

一峰雲外隱尖尖人語俄聞鈴語兼金碧香  
寮朝霧捲琉璃淨域午風恬千尋湧地神光  
現九級摩霄勝槩添絕頂試登



先齋集 卷九 三  
宸覽愜諸天花雨好重拈

恭和

御製金山疊舊作韻

濃嵐橫入半江青勝概天隨水賦形落日檣  
帆明遠岫浮空樓閣駐真靈雲窗近處衣常  
潤水檻開時

輦乍停試上妙高臺上望徒兒港口杳冥冥

宸游穩放夷猶棹春日重經杳靄天半壁舊稱浮  
玉地一龕仍奉小金仙風迴喬木偏宜古雨  
綠修蘿不記年忽送粥魚茶版響重重雲影

寺墻連

恭和

御製遊金山寺再疊蘓東坡韻

東南山水之奧區不比茫茫塵土海最愛銀  
濤一點螺尚餘古寺巋然在寺前花放拘尼  
陀好風吹綠魚鱗波髣髴方壺近咫尺飛樓  
湧殿層層多太昊儼然為奉楫欣逢

天帝行遊日石陂晴射綺霞新西津曙起羲輪赤  
天教靈境娛神魄直欲流連窮景黑

朱旄黃纛馳鮮明山中猿鳥何曾驚到山徑路

先音集 卷九  
三  
舊仍識春風踏遍餘芳物臣也愛山長話山  
肯使腰脚成痺頑

宸章欲和尋復已信乎觀海難為水

恭和

御製自金山放船至焦山再疊蘓東坡韻

知仁山水性所耽試浮僊鷁江之南金焦對峙抗  
北固結勝京口形參三層巒萃律若獰獸沙  
渚一角如眠蠶千秋應詔有顏謝臣才謏劣  
心懷慙洪波浩渺一放眼巖深難測蛟龍潭  
捫蘿攀葛入靜谷梅花萬樹春方酣華陽文

與上皇字摩抄剔蘚資稱談修篁一徑應茂  
密為安佛座開花龕憑誰乞取曹溪水竹爐  
松火嘗偏甘江山無限供

擘結得隴望蜀何嫌貪扈隨一再款遊歷坡仙  
強韻非所堪夜闌一棹宿煙水夢思煨芋留

茅庵

恭和

御製甘露寺北軒用杜牧韻

曾扈

鑿輿拂曙行丹樓翠壁寄遐情一方苔石寒依



玉百尺風泉巧奏笙  
鏤鑊有銘疑可辯  
青猊入畫怒無聲  
衛公祠宇知何處  
寺古猶傳甘露名

恭和

御製登城霞閣二首元韻

傑構臨京鎮遙連四達衢  
停橈因縱覽拾級肯辭劬  
江郭真成綺天台合借圖  
玉峰雄半壁鐵瓮抱全吳

恩自巡方洽人都夾道呼  
春風楊柳岬翠葆指姑蘓

晴臯廻

御仗霞彩蔚雲衢  
從識江山麗還憐耕鑿劬  
偏安唾末計雄跨想昌圖  
城故猶傳呂亭荒尚

向吳呂城向吳亭並見丹陽志千秋餘感慨萬騎戒揮呼

我

后恩方泱春深野蟄蘓

恭和

御製跋馬過常州至艤舟亭進舟元韻

至人心湛虛有如不繫艇  
詎必學佛氏空諸所有境  
東坡乞常州脩然樂閒靜  
往來一葦

杭津步誰記省好事志名勝傅會遊觀景我  
皇念江鄉毘陵一再幸求劍為鏃舟笑未中綮官  
但樂與民親金吾弛蹕警緩轡走長隄不用  
鐵騎猛前程春漲碧移權快清永不繫情還  
繫回首郵亭影

恭和

御製射元韻

弦道平開各占棚旌門

親校氣騰陵長懷

王業基馳射敢以行廬弛藝能赫赫

天威洵震疊桓桓羣力尚欽承

聖明况乃嚴旌別賞格頻懸更示懲



夕音集卷十

錢唐梁詩正鄉林

恭和

御製遊寄暢園題句元韻

旌旗前導載飛鴻  
森森梁溪畫鷁通  
翠抹龍

山春靄裏晴披鳳谷

御題中

寄暢園舊名鳳谷行窩

知仁妙契探幽得  
泉竹交縱

叶奏工漫數  
辟疆風物美  
行窩直可接  
仙宮

恭和

御製惠山寺元韻

石塢湛家開別墅僧寮初啟景平年曾移  
玉仗經行遍不改香燈次第然到處莊嚴都是  
諦坐來喧靜兩皆禪茶香好試謙師手心鏡  
懸知海月圓

恭和

御製聽松菴竹爐煎茶疊舊作韻

山僧導引識名泉借得筠鑪活火煎滴瀝乳  
流新雨後颼颼聲雜古松前茶經小試消春  
渴禪榻閒開任客眠供奉  
宸遊添韻事一甌香沁快天全

來試人間第二泉

蘇軾句

髯蘇曾此滌煩煎風

流往事留詩案品藻芳春入

御前花宇香霏松五粒石牀綠蔭柳三眠此間佳

趣洵佳絕道味吟情得兩全

恭和

御製汲惠泉烹竹爐歌疊舊作韻

名泉第二天下聞中冷相較稍區分山僧寡  
營耽谷飲風情閑秀杳莫羣巧製竹爐出新  
意松風檜雨無囂塵素瓷迭勸有羣雅流傳  
盛事誇藝文西神峰頂細莎徑至今支許譚



清芬光生林壑

萬乘金蕾珠藥紛羅陳不須水滸置騎吏

宸遊感昔情彌敦碧雲小試湯色嫩活火燄燄燃

官薪穆陀樹下位置妥茶寮茶宴徒喧紛世

間此物見者罕五都市販昧所云舍人不作

太常往風流誰主詩畫權

僧性海製竹爐王舍人為作山水橫

幅歲久爐壞盛太常因而更製流傳都下一時皆有吟咏

至尊拂拭授巧匠一仿高下形模存有時伸紙

命渲染圖成兼繕題詞新銀餅修綆不厭汲

廟廊偏賞林泉珍

廟廊偏賞林泉珍試語碧山吟社人

恭和

御製駐蹕蘇州元韻

南國山川次第

巡春風錦纜石湖濱向榮草木無憔悴夾道壺漿

有附親闈市已嚴淫貨禁人家都免儉年貧

三吳薄俗除應盡好躋黃唐道德淳

恭和

御製支硎山元韻

何處支公卓錫泉天峰石室自年年峽飛練

白雲依水龕蝕苔青僧坐禪馬跡舊存巖徑  
外鶴聲長在野亭邊摩厓仰覩

天題徧幽壑蒼林春盎然

恭和

御製寒山別墅元韻

何年山骨斲借問神僧支舉似牛頭峰邱壑  
實過之凡夫格不凡落筆烏篆竒入山寒蕭  
森圖經抽秘思蒼然收萬態運斤等折枝

多凡夫所鑿  
石見郡志

拓宇已離垢

清蹕偶駐斯

恭和

御製戲題空谷元韻

浮雲石棧叢蒼碧空谷能容物外遊  
灑灑水

風搖

綵仗修修巖竹引鳴騶長林花發啼鶯亂  
靜壘泥香乳燕留坐久果然鷗即我人間  
機事兩

忘不

恭和

御製寒山千尺雪疊舊作韻

入山疑入雪竇山含珠林下鳴風泉初驚河



漢落天半漸覺杳漠窮神源洗心臣為詠太  
素汎景

君自窺靈詮縈空幻出三疊影倒瀉浣盡區中緣  
左右青壁高岌業造物不使凌濤淵皚皚一  
色爛坤軸俄成霜壑兼冰巒雲津石髓滿佛  
屋黃金地變白玉田挿天瓊瑤一千尺樂廣  
水鏡同瑩然塵容俗狀輒自憎擬將漱飲蒼

寒間

恭和

御製聽雪閣疊前韻

空山半雨晴閣在行雲底飛泉敲琤琮足洗  
箏笛耳沙明金屑澄澗圓玉乳美不斷海風  
吹何嘗天籟止

宸憩聽移時林壑如有喜一逕土膏春節應芳華  
始緣崖響彌遠幽興曷能已

恭和

御製遊華山元韻

山秀列如屏碧水澄潭映欲酌盈盈池稍轉  
杉蘿徑林深風自香早識芳蘭性半嶺一禪  
庵蜿蜒翠微巨耳庶驚砰訇地雷泉名雪乳迸

類皆造物設靈燻迎

法乘聽水竹亭穿看雲石牀凭穹谷何廓如終  
歲無喧競春光悅

宸眸佳處超

睿興婀娜紅藤扉嶙峋綠苔磴嘉茲不染心千葉  
蓮花淨

墨寶賜當年清遠娛

先聖決凱望諸峰舊觀肅新敬

恭和

御製復聞京師得雨志喜元韻

春來畿甸樂時以甘雨聞造物本無私江國  
一例均霑霈何廣遠長養無浚巡崇朝應靈  
瑞十日符嘉辰商羊自吟謠歡笑隴畝民

旰宵昭協應仰戴

天心仁來牟受明賜更祝新畬頻行看澤溥遍奏  
報來齊陳

恭和

御製拈花寺元韻

嘗聞穹窿山別有仙佛宇凌虛百尺臺縹緲  
在何許寶髻出神光天花浮法雨偶然一笑



拈禪悅付指取依稀有徑通直造方丈所諸  
峰歷亂青萬象恣噴吐雲深卧殘碑往復辨  
魚魯拓地始何年好為圖經補春風遞林香  
石屋聞

天語

聖諦誰能叅第一義已舉

恭和

御製鄧尉山恭瞻

皇祖題額松風水月四字各得八句以題為韻元韻

睿藻全不涉焉然言不涉而意已賅此謂得

梅之神韻者乎

松

古榦真同鐵貞心合友松可憐花萬樹高映  
黛千重香逐寒濤遠煙浮偃蓋濃年年最相  
憶冰雪在心胸

風

光福山中樹籊英應協風憂枝迴薄媚拂蓋  
散輕紅花信先春報芳心帶雪融巡檐欲題  
句才劣媿崔峒

水

先音集 卷一  
綽約下瑤臺輕盈浴寒水香船逐舞衣吟權  
待幽子韻在夷猶間影留清淺裏是色還是  
空楞嚴傳妙旨

月

漠漠江城烟娟娟大庾月寫影覺玲瓏凝光  
逾秀越鑑茲縞素粧皎若瓊瑤骨迴照更憐  
渠黃昏香未歇

恭和

御製鄧尉香雪海歌疊舊作韻

碧山山靈不負吾芳春景麗初地初居民托  
業在種樹梅花世界良非誣千堆萬堆雪皓  
皓十里五里香舒舒郢中客歌道不到木元  
虛賦難形模冰懸霰集水回互珠離玉綴山  
環紆幽偏一徑通禪窟梅檀蒼蔔寧分途南  
枝自昔傳庾嶺未若照爛盈吳趨宿露朝滋  
色不染凍雨晚濕香有餘臣鄉孤嶼處士廬  
山妻借作泉石娛花光晶晶臨平湖兩山遙  
映無差殊一任平章未肯輸騷人往往詩料  
需此間風物率腥膩沃以冰雪清踈踈鄧尉  
在焉呼或出逋仙結友可不孤我



皇問俗一遊覽前題重續留勾吳前題重續留勾  
吳風雅傳說栖山夫

恭和

御製遊天平山十六韻元韻

天仗經行處羣山馬首朝泉聲來碧落松路出

丹霄支遁纔教別遠公如可招

山有遠庵

蟾明

烟際窟龍起定中潮

山有蟾蜍龍起等石

芳草年年綠

春風處處饒古苔皴峽石香霧藹禪寮別寺

珠旛動明湖水鏡搖花開驚滿塢樹暗欲迷

橋玉笏嵐森翠天門霞建標遠林穿茂密空

洞入幽寥倘得栖遲久能令夢想消范祠依

澗曲趙墅隔巖椒即此光林壑何須羨海嶠

三吳瞻郡鎮

萬乘採山謠幽鳥風前悅閒雲嶺上要登臨抒

睿藻一例賞金焦

恭和

御製再遊寒山別墅元韻

凌晨宿雨收青翠明四山寒山

帝所眷再駕穿晴煙盤陀與空谷次第迎眸前南

池瞳水剪北峰髻雲盤誰歎此山栖臨流試

酌焉支公渺何處鐘聲隱巖巒長松落翠影  
微風生鳴湍回首

幸天平高下多名泉枕漱緬高致題句頻研丹  
山靈偏解媚雲物何蒼然石壇花雨霏中有  
西方仙我

后現在佛香滿靈巖間

恭和

御製法螺寺元韻

別路行逶迤密翠得支徑波光帶澗迴林煙  
浮野映山衲何蕭閒雲心而月性

天仗歷歷經所賞多幽夔如來遺法珠諸佛證  
宗鏡誰於南峰南拓此招提勝茲山信靈竒  
突過巖與孟

恭和

御製初遊石湖作元韻

翠抹羣峰迤邐晴一支巖溜入湖清鶯聲早  
喚煙霞夢樹色深含邱壑情

清蹕乍經隄草偃輕帆徐試水花迎緬懷詩客  
風猶昨農圃堂臨玉鑑平

恭和



御製觀打魚歌元韻

澤國居人漁采業長網大罟族驚怯截江一  
擁數尺鱗空賦水深而魚悅性命向與蛟龍  
遭誰其縱之波間跳一經漁得供刀几波濤  
咫尺千里遙我

皇仁愛不忍即饗人鱠縷恒歎惜舞濶搖深任所  
如插竿拋擲溪南北文王在沼德若斯間亦  
與民歡樂之羹材不致損鱗鬣何須晉諫煩  
臧僖  
恭和

御製虎邱寺再和東坡韻

雙樹拓禪寮修塗得層嶺花陰滿紅樓蘚色  
團綠井湛盧鑄何年光氣秋霜耿汨汨通海  
源殘腥洗鼃黽有如霹靂飛巖石裂幽曠想  
當築湖宮白虎踞赫猛草木亦靈威霸業好  
誇騁迄今緬前塵擘筆輒增哽清遠人已遙  
空賸雲千頃千頃雲為虎邱名勝之一試眺貝塔陰一抹  
遠烟冷修修竹關幽委委蘿徑永不少寺前  
春儘多林外景崑虞二山名近百里好窺雙黛  
影用奉憩

夕音集 卷一  
宸輿山靈合朝請

恭和

御製山塘策馬元韻

溪上蒼雲作陣歸  
修塘綠蔭玉鞭揮  
巖花澗草春方暖  
浴鷺眠鷗水正肥  
一路野帘疑導客  
隔林清磬可忘機  
井甃儘足供

宸矚何必樓臺世界稀

恭和

御製降旨廻鑾時取道徐州視河工詩以紀事元韻

閱河下

新詔

聖主方憂民想當宵旰間  
樂聞閭井安偶然值汎濫  
引責

君與臣驅馬河隄上大略  
應窟陳而

帝曰徐城車駕當周巡  
黃蘆市古岸地是寂寞濱  
去淮纔咫尺示期將造  
臻頻年洪流崇河伯  
豈不仁積潦殊未已  
州人苦邁迤無私賴  
大造一例

膏澤均川氣辨山脊  
沙痕認河身行見盤砥柱  
十



重樹藩垣安用黃刷沙自慶安瀾頻維

上卹民瘼又厯民力艱無窮拯溺意副以道路親

洋洋宣

聖謨總為蒼生言懷哉

高厚恩江鄉萬口傳治河繼禹績嗤彼酈道元

恭和

御製聞河南得雨元韻

嵩陽洛北沛甘霖想見農歌志喜音奏報一

時馳

帝座桑林禱應愜

湯心

恭和

御製曉發蘇州元韻

春風吹暝闔閭城又啟

鑾輿拂曙行楊柳陰多開別浦梨花香亂撲前

程牙檣緩度林煙淨繡隴遙連沙岸明最好

鴛鴦湖水潤紅燈千隊映蜨旌

是日至嘉興駐蹕

恭和

御製入浙江境元韻

老幼扶携出國門

省方萬彙樂芳溫江城烟暖年年景籬落花明處  
處村簫鼓聲中春社近衣冠隊裏古風存懸  
知

睿慮勤民切長治規模要細論

恭和

御製題烟雨樓元韻

漲玉周遭引

御舟春風重作鏡中遊寺開龍樹依廻渚樓壓  
鮫宮壯一州遠近人家疑雨暗微茫村色帶  
烟留廻翔攬盡湖田景一任忘機浩蕩鷗

恭和

御製至杭州行宮駐蹕八韻元韻

臨安吉名郡兩度迓

龍舟民物承平久官司職業修桑麻經

顧問疾苦尚諮求山水茲為美塗泥每厓愁好憑  
宣導術更勗益藏謀佳氣充行幄歡聲動吏  
騶趨蹌嚴劍珮獻祝錯觥籌願益

慈宮壽承

顏慰豫遊

恭和



御製瑞石洞元韻

神人鞭石赴東海未鞭之石亦奔駭鬱為靈  
異幾千年丁仙閣前稱獨最憶昔丁仙羽化  
初苔封古洞閱清都

宸遊再至忽呈露淑氣詎敢留扶輿洞中何所見  
洞口竒無限一綫春潮寫庖生類非智設洵  
天產

恭和

御製飛來石元韻

靈鷲已具飛來勢一片何緣復到此欲寄浮

邱兩袖間携向峰頭辨色理

恭和

御製題黃龍洞元韻

六丁怒行鞭霹靂開硤洞一泉甘而冽同流  
出異孔滴滴鼎沸馳浪沫感翻涌興言黃龍  
山雲物鬱崕從無門妙說法香生蕭艾翁移  
住始何年風旛林影動松竹翠幾層波綠相  
與攏山僧學佛書強解成濛瀟吾

皇本大慈分得清淨種莫怪古招提去來太倥傯

恭和

御製詣聖因寺

皇祖神御殿行禮元韻

碧湖春雨過

彤殿彩雲留焜耀瞻

天藻謳歌溯

帝謀鳧從芳浦集人向錦隄遊展禮申虔肅香風逐

暖流

恭和

御製湖心亭元韻

御舫輕移趁午晴明湖三月似仙瀛環隄花影

踈還密拍水鳧雖導復迎千頃平流涵

聖澤一亭宛在愜

詩情憑欄匪獨供遊賞澄澈中含義蘊精

恭和

御製題林逋詩帖真蹟用卷中蘇軾書和靖林處士詩後韻元韻

先生抱節孤山曲芳草年年漲烟綠想當擁鼻獨唸時梅花樹樹飄香玉姑射仙人酷類無果然下筆無流俗千秋玉局劇風流讀向廳簾夜燒燭神契嘗留卷尾題如調琴瑟音



自足記昨日三摩抄何異聞韶味忘肉神  
物呵護知有年

天子賞之為褒錄

吟成白雪和陽春更詫人間無此曲逋也不作  
坡已往依舊雙扉開水竹合拓祠宮奉兩賢  
春秋酌酒陳椒菊

恭和

御製吟香別業元韻

一逕春風芳草留依然遺愛在杭州別業向  
為前撫

臣范承  
謨祠已邀

輦向花間過爭識詩從象外求臨水軒窓都入  
畫親人魚鳥足銷憂回思此地經遊釣為賞  
新荷屢挈儔

恭和

御製清漣寺觀魚疊舊作韻

清漣

題額處小徑落花餘一片青瑤席千頭錦鬣魚縱  
橫搖日彩澆潑濺風裾筌具人無羨鱗舒爾  
宛如飽分齋後粒慣聽佛前書誰復能知樂  
莊生達者歟

恭和

御製飛來峰歌元韻

飛來竺國知何年青瑤巧琢出幽竈仰看雲  
氣覺動搖不脫始知真善抱龍崧呀呷生面  
開衆巘伍頭受侮笑初疑歲蕤之羽蓋又訝  
曲莖之玉瑤眼前靈境洵宛爾怪竒何必山  
經考

乘輿偶過鷲峰春翠色翳翳松徑曉嘉茲一片影  
璽瓏烟岫殊珍雲壑寶不知閱世幾千秋瘦  
骨凌兢苔蝕飽米顛可拜不可袖拳石仇池

安足道

攬勝高歌逸興豪此景嶙峋都壓倒

恭和

御製自蘇隄跋馬至聖因行宮元韻

返轡芳隄午漏餘官航遊賞愒居諸關心畿  
輔三春雨默數郵程待奏書

楊柳晴絲拂水時望中

行闕彩雲蕤六橋盛事從今說山水都為

御貢資

春風彩鷁渡頭橫慢著鞭絲得得行祗為尋



山蕪問俗農蠶

親歷更分明

恭和

御製罷漁元韻

水虞備有常惟

帝輒曰罷雨歇春潮生中涵魚樂在羨彼蓑笠人

烟水不用買竿綫引隨時那慮塵機礙戲廣

而浮深欲盡煩劉宋劉宋善畫魚見宣和畫譜洄潭三尺

强大化詎無宰無限是恩波濶處待漁採敏

手揭圓罟已免盜魚罪

皇仁深復深網罟時更解一望浦迴紆揚髻綠浼

浼擬將招漁師山水唱款乃優哉玩物心敢

計租幾倍

恭和

御製表忠觀元韻

異代功宗祀

皇心重教忠四傳節不改萬弩氣何雄績紀豐碑

首祠依故苑東重膺

天藻麗拜

賜在春風

恭和

御製題漪園元韻

白雲界踈峰春池浥湖水清漪直到門澹沲  
誰可擬

聖心洞觀物即景亦時取叶因之

錫嘉名覽眺洵云美莫嫌境地偏

宸遊曾駐此

恭和

御製戲題虎跑泉元韻

幾時掉尾傍龕居想像泉開一嘯初嘗自曹

溪良有以蹶從石壁恰相於靈源靜注無羸  
縮活水長清謝導疏應是神龍憑作窟浪花  
噴薄雨飛餘

恭和

御製觀採茶作歌元韻

青裙縞袂携筐喜風俗貴茶茶事理霜荷八  
等分別觀早采晚采亦判然南高路接龍井  
路珠蘂金蕾收處處報春一鳥頻相呼巉巖  
競上人忘劬叶手捋纔罷還肩挑歸來焙炒  
香晴朝山家活計



深宮曉諦者不厭停金鑣市賈往往工作偽旗  
槍誰辨春前意

九重愛惜物力艱啜之珍比醍醐味

恭和

御製閱海塘作元韻

億載開平捍海塘一邦永賴緬前良沿隄好  
憩將軍樹近郭猶遺太守桑美利不言資水

德

詔謀善繼集天慶重煩

玉趾親周閱防護勤加敢或違

恭和

御製觀江潮作歌元韻

靈濤怒涌胥山傍蛟龍雷電驚奔忙偉哉造  
物為此弄卹然足駭夫誰當往來躡浪者舟  
子蒼茫沙蘺偏穰祥平生遊歷頗記憶今來  
扈

蹕臨春江春潮不比秋潮漲無聲暗長平陂唐

大江湯湯失壯勢譬如山剖空青腔

梅堯臣詩列山

剖璞空青腔

人言馮夷罷擊鼓中流不復鳴鏜鏜

不知海若正効順詎敢騰觸聲礮破陽和景

色江上駐煦煦都為

仁風揚端倪極目遠無象但連一碧天蒼蒼神  
機不測妙鼓運隱教水德增靈長我

皇恩澤廓春海頰首已令波臣降射潮故事說前  
代而今免挽彊弓彊錦衣玉帶祠宇肅願永  
神貺私維桑

恭和

御製岳武穆祠元韻

古殿修廊祀有常

至尊憑弔值巡方朱仙遺恨乾坤大碧血孤忠日

月光高廟悔應思介胄中原人盡痛肝腸道  
傍直欲除蒼檜多植椒蘭郁烈芳

恭和

御製再至雲林寺元韻

鷲嶺嵯峨香界古到門幢影插天高春烟小  
樹分靈雨陰壑千松曳怒濤泉冷多時宜此  
地山青分外向吾曹倘容聽法諸天會如飲  
清涼味挫糟

恭和

御製過靈隱至韜光元韻



寺外靈峰疊松間怪石盤一聲啼翡翠萬箇  
秀明玕梵宇層層接雲心處處安江湖如几  
案樹杪見帆竿

恭和

御製坐金蓮池上用白樂天寄韜光禪師韻

金蓮何處覓鐘鼓梵王家小雨魚吹沫和風  
雀啁花纔吟紅繭粟又茁玉蘭芽池上

懷陳蹟閒消石鼎茶

恭和

御製用韜光禪師荅白樂天詩韻

檻外芳叢砌下泉道人深院枕雲眠尚留魚  
影窺寒鷺不見水風開野蓮半嶺鐘聲明月  
夜萬竿煙色碧雲天當年酬唱流餘韻拂拭  
而今自

御前

恭和

御製登六和塔作元韻

江山永盤固浮圖聳舊堵經行未攀登目想  
兜率所三春奉

宸遊撫蹟地靈古七級峻雲梯籟寂冷鈴語江流

勢奔騰譬若屯萬旅靜鎮藉神功一鎖迴沙  
淑誰歎此安禪絳燄燈千炷八牕自玲瓏萬  
象盡掣取維

皇百靈護効誠齊按部

璇題麗寶輪諸天沾慧雨元氣接茫茫山川都伏  
俯真遊龍象界不落塵縛苦雄觀倚江亭

詩成亭壁補

恭和

御製杭州啟蹕迴鑿之作

東南民隱切咨諏又荷

君王一豫遊萬井年祥同叶慶四郊風物足忘憂  
湖煙湖雨恩波濶汀草汀花暖意稠夾道春  
風迴

玉輦可容老稚暫攀留

恭和

御製遊獅子林元韻

獅林山水佳絕類冰玉士恍入愚公谿疑過  
梅福市蕭閒有仙卿相賞亦久矣何必雅宜  
山高興耽畫此倪元鎮有雅辯師昔安禪豈  
尚彤采飾飛虹跨澗腰幽雲亂石齒含暉拔



地高昂霄去天咫舍暉昂霄二峯名一抹漲遠煙三

徑抱流水猗猗儼萬獅前躡而後倚林林怪

石形位置嘆觀止合來仙之人飽嚙青玉髓

吾

皇愛幽偏陳蹟慮荒毀

離宮午漏餘策馬莅靈址剛值春風酣烟色渲

丹紫詎止愜詩情兼亦契畫旨今昔一增吁

園林誰氏子

恭和

御製詣文廟行禮元韻

崇儒

臨郡學紺殿舊林園舊為錢氏園相傳范文正得此因形家以為子孫世世當

科第遂捨之為學宮云池映香芹秀檐森古木尊衣冠

光里閉弓冶任兒孫俎豆千秋地如經桃李

門

恭和

御製蘇州啟蹕作元韻

綠樹層層喚栗留曉風

清蹕發官郵金閭城郭春如畫

寶墨牋題光照眸農畝先時塵遠慮河渠又

先音集 卷十  
詔借前籌懸知

六御經行處早挾和風甘雨遊

恭和

御製題漪瀾堂元韻

一夜官橋春水新野堂開處漾漪淪薄烟遠  
疊迷幽草踈雨層陰結翠筠滑笏波光浮地  
脈懸簾溜影象天紳儻來一洗塵中足玉局  
風流得替人

恭和

御製若冰洞元韻

幽壑氣凌兢泉流澁清泚直疑入寒門一寒  
竟至此天陽隱煙柯海陰沉石髓瑟瑟風扇  
威如陟窮臘尾安得磳鼠毛疊褥一坐倚忽  
被挾纊

恩鸞旂仰戾止池館變和溫春迴從此始不數忝  
谷間懈律吹鄒子

恭和

御製復聞京師得雨志喜元韻

春雨何冥冥雲始起膚寸

京畿和會區畢宿每循分廣野一遐覽萬物含



膏潤詎止生意佳早賀豐年信行見隴畝登  
合穗雙岐進默想心已屢奏報時尚近田家  
卜有秋望奢不廉遜輿情共歡愜天道幸輔  
順我

后意彌勤詠歌有餘願東南宿雨多又勞

塵繚繚

恭和

御製駐蹕金山元韻

一方春水漾艚舸佳氣氤氳浮玉峰萬古閱  
時涵動靜自

天題處感遭逢朝陽洞口雲千疊浮翠樓頭樹幾

重又看

六龍江上駐韶光隨處着人濃

恭和

御製慧居寺八韻元韻

道場開寶誌銅殿

御遊曾清淨銷塵慮虛空湛佛乘墀寬延月憩梯  
峻接霞登鳥觸珠旛響魚窺鉢水澄片雲明  
似鶴踈篠澹於僧獨往何時遂長閒若箇能  
馬蹄行得得徒御集增增重幸邀

天仗山靈忭舞應

恭和

御製遊棲霞山元韻

一抹霞光映繖山山容呈秀

至尊前葯苗雲養長春塢竹箇風生招隱泉千佛  
靈蹤多故事六朝佳賞有名賢攝湖一曲開  
奩鏡諸品菩提更皎然

恭和

御製春雨山房元韻

時澤流如膏被者欣挹酌詎止潤秧疇萬象

經澣濯樹色映黃簾池光上綠幕

帝曰雨最佳况值春可樂喧境性非耽靜處心所  
著

恭和

御製駐蹕棲霞行宮作元韻

一逕紫峰西明霞秀壁棲野花紅半綻澗篠  
碧全齊靈谷誇天設山房記

御題雨收穹宇濶霽曉影流霓

林密路無次烟迷樓半藏泉聲鳴漈漈鈴語  
聽琅琅具闕三山近松巖百丈強眼前佳景



瓶

吟賞足相當

恭和

御製遊攝山棲霞寺用尹繼善沈德潛倡和韻

建業多名山攝山乃其冠是中產仙藥來往  
半安羨斲削類蓮華嗟峨切星漢橫峰與側  
嶺如弁亦如卮高人此栖隱捨宅事可按只  
今梵宇清一洗塵心戀竭來隨

步輦茗飲供竹院大乘釋禪縛小憩得內觀方  
謀面壁緣前裝已嚴辦

延緣過山房松深不辨徑回峰勢若騫濫泉  
出以正脩然十八公列道儼修敬吾

皇攬羣材眷此巖壑性自昔大夫封未足儼茲慶  
萬本翠無垠一庵居最勝蒼髯而長身如對  
古賢聖金陵本都會興衰付一凭須臾梵唄  
出風濤颯清聽

西方著象教髹漆雜金石誰來古巖下諸天  
琢業峇化身隨真幻一指可尋尺鐫鏡山骨  
露莊嚴靈境坼雲松為偃蓋烟篠作幃帟居  
然千佛幢涌現萬仞壁

宸游愴無慮預戒免供億矧茲空山中問法盡禪  
客叅詩煮名泉亦足以燕息過去與現在辦  
香同一脈

左泉曰白乳右泉曰白鹿泉清清似酒無煩  
以巾漉其源甚微細詰屈隱巖谷一為疏濬  
之澄泓互洄洑只今成巨浸下注等飛瀑置  
笕供齋厨水遞笑僕僕倘入陸羽經未是山  
僧福雨過鳴琤潺空山有琴筑

昔年採藥徑微茫不可上攀蘿登其巔曠然  
得竒賞大江日夜流東望轉滉漭天風生海  
門平楚吹浩蕩緬惟赤壁遊斯人已長往欬  
笑山谷間時時遺逸響至人超常倫

皇心鑄萬象攬轡最高峰蒼生結遐想

盛王以時巡山川咸有事勝區本天作豈人  
所位置依山開

行殿儉德慎塗墍緊惟蒼赤慮疾苦煩驛騎山  
鄉富橡栗澤國足菱芰美哉江南春啣

恩浩無際敬誦

訓吏詩迴與遊畋異虞夏垂隆軌方今真足儼惟  
帝庸作歌千秋仰鉅麗



恭和

御製萬松山房元韻

晴嵐掩藹滿軒房松影中浮濕翠光萬壑濤  
聲宜入夜一溪琴韻欲生涼令當風戾桑其  
沃月近清和麥有芒仰荷

盛朝調玉燭從茲時雨又時暘

恭和

御製登最高峰望江放歌元韻

神峰積岌峻百重江左羣山空撐鬪最竒入  
望浩浩江水流已驅駢馬水犀都在圍不辭

登陟勞乍接天界高憑將呼吸氣為坼陰陽  
苞狀洪量以無極兮并楚雨而吞吳潮初驚  
碧漢矗千仞旋訝長川窅萬里古今世路半  
嶮巖何似恬波貼貼無廢圮玻璃萬頃作天  
地羨煞蘆人漁子矣維時空宇來和風

宸游一寫琳瑯胸高言妙句絡繹幹元化譬如西  
房鼗鼓搗聲鑿即看摹勒向蒼壁雲霄隱隱  
浮螭龍果然光景絕麗天之中願憑上界噓  
元氣直躋一世同羲農

恭和

御製駐蹕江寧作元韻

鍾山王氣笑區區江左由來策畫紆六代繁  
華終北去勝朝餘閨亦南都水同衣帶空天  
塹土號塗泥待

后蘓春狩即今多雨露三吳兆姓拜

恩俱

恭和

御製泛舟後湖攬古元韻

春光澹沲元武湖刺波簇簇生菰蒲吾

皇幾暇泛彩鷁觀民觀物非自娛憶昔昆明習水

戰欲仿漢帝誇艫艫時平人樂見今日安爾

漁釣

恩何殊世無賀監那許覩後湖一曲空畫圖臣也

乞養已五稔幸叨扈從茲遊俱安得僊人假

仙鳥朝朝

幄殿飛雙鳧

恭和

御製秦淮歌元韻

誰鑿東南天子氣遠引淮流彙山埭遂令六  
代迄楊吳割據偏安皆短世立柵為塘號緣



淮二十四渡江之隈一自青樓列歌舞禍水  
頗為羅綺災十六紅橋已陳蹟千載惟傳江  
令宅年年不改舊春風拂水新楊可憐碧  
聖主方行下秣陵扶鳩騎竹環都城

恩波絕似秦淮水三百里長同頌聲烟花故習都  
拋擲五袴家家勤紡織縱遇貧年也有秋飯  
稻羹魚鮮游食從臣作賦空浩倡青溪九曲  
烟蒼涼查下樓臺更何在探竒訪古真樂方

恭和

御製閱兵元韻

南都已定置親軍

祖制洪惟遠畧勤江郭春晴宜閱士

國書號渙識同文如貔如虎戈揮日為鸛為鷺

陣結雲不是吾

皇多右武艱難肇迹早欽聞

恭和

御製石城歌元韻

王濬樓船風忽利頃刻江東失其帝降旗一  
片石頭城彷彿洛陽青蓋出地險居然與水  
爭上游遠控樊襄荆五季強藩多跋扈石頭

真箇可憐生只今屹立憑絕巘不德徒勞規  
制善大哉

王言足千古詎止江山供放眼城上行水中宛虎  
踞何人能倖免石城歌罷石城遊雨打牙檣  
春欲晚

恭和

御製江寧廻蹕駐棲霞作元韻

勤思利濟返霓旌誰識

君王去住情舊徑仍依香界宿周廬又列羽林營  
淮壩保障須

親閱京口濤瀾詎阻程一夕不忘飛渡意天開巖

下快新晴

恭和

御製玉冠峰元韻

芙蓉秀朶誰削此巨鎮神基莫與比渾如岌  
岌高余冠不似璞兮玉未理春風一道鋪裙  
腰仰者

宸轡行超遙裁烟剪霧新樣好疑從紫府仙人招  
朝天執笏何陵增尊為元服真褒稱山靈有  
知應忭舞易名千載



先音集 卷一  
恩難勝從茲願與葆貞素雕鏡莫試良工能

恭和

御製泛舟長江夕景元韻

埵鈴不語囊天風金焦兩點明虛空京口一  
呼爪步應問渡人在琉璃中舟人進舟

帝曰可江妃水仙舟尾坐鏡光一片艣劃開岸草  
沙禽共潭沲白日西頽逼下春妙高臺外紅  
輪紅須臾昏黃互變滅野烟彌望千山同為  
憶江南歌宛轉清夜遊傳興不淺我  
皇廻鷁戒流連宮樹參差猶可辨

恭和

御製渡江駐蹕天寧寺元韻

縈紆一水片帆輕繫纜仍傳

慶賜行三月春風歌晚晚數峰烟碧快佳晴每緣  
勤治聽宵漏為厘周諏記里程河上獻書資  
賈讓安瀾行愜

聖人情

恭和

御製賦得涉江采芙蓉

得江字

絳華舒碧水采采傍平砒宛在投香浦疑從

濯錦江露珠圓散點波影倒涵雙淨妙三乘  
筏莊嚴千佛幢為裳依楚澤度曲聽吳艫夕  
擘同芳茵朝奉比綠苙供宜牕窈窕

吟對響琤淙景色金塘麗春葩意早降



